

衛生家寶產科備要

四

衛生家寶產科備要

備產濟用方序

婦人產後之事亦有礙於為害不細若
因而受病又非尋常疾病之比氣血既
虛更難攻治是宜昔人所醫意而不敢
忍者也不佳其方藥備得產方甚多其
常用以取効焉今錄其所得之方及平
時所聞之說與夫疾症用藥次第共為
一書以濟人之急患雖初產世世當謂益人



卷六 四十五葉
版心填四十二葉

衛生家寶產科備要卷第六

備產濟用方序

婦人產褥之事亦有蹉跌為害不細若因而受疾又非尋常疾病之比氣血既虛更難攻治是宜昔人所留意而不敢忽者也予性喜方藥偶得產方甚多蓋嘗用以取效焉今錄其所得之方及平時所聞之說與夫疾證用藥次第共為一書以濟人之急難初虞世嘗謂婦人

生產須使之自能通曉方為盡善斯乃至論然間有素無產難之家不知出於偶然心常易之不以介意故緩急之際至於產婦已困而家人未悟者徃徃有之此幸其無事則可非萬全之道也紹興庚申重陽日三吳外士餘杭虞沆書虞氏備產濟用方

姪娘

婦人姪娘之後或觸冒風冷或飲食不



節或居處失宜或勞動過當少有不和則令胎動不安重者遂致傷墮臨產之際爲患不小豈可不戒也

妊娠三箇月後或疑非胎宜服川芎散
妊娠五箇月後宜服滑胎枳殼湯

八月

八月第一日清旦先書借地法貼產婦房內北壁上須清心志誠書之更須避日遊月支諸神等

產方六

二

八月後每日進保生圓一服臨產五臟不痛其子易生

凡產閣及藏衣之地並須依方位所利鋪設產閣務要清虛仍須遮塞孔隙無令賊風遊氣可得而入及窻壁仰泥之類並須一一經心照管恐有顛覆種種非意爲害不小八月後須便擇好日爲之倉卒之際無緣周備也

凡合用湯藥須於未產前一月內修合

足備不可倉卒或市諸藥肆或求之醫
篋產後五臟皆虛藥貴精當恐有雜偽
反致他疾產婦服食貴在誠潔老娘須
擇溫善安詳慣熟之人其妄誕揮霍無
常者去之又有喜驚動人而收已功者
爲害尤甚不可不知也大抵有孕婦之
家選擇老娘最爲先務旣得之則令與
產婦游處情熟入月則令守月不可臨
時倉卒呼喚却致誤事又老娘收生風
俗多有不同閑時宜先令詳說次第或
有未便款曲與之商量不可一切任之
此若選擇得人則上下安心產婦亦免
憂疑省力萬倍腰生只用家中慣熟妮
子爲佳若用外人亦須先審問次第然
後用之亦能爲害不可不謹也

臨產

產婦覺腹痛他人切不得驚忙及亂報
人知只可令一兩人老成親熟人安慰

相伴亦不得用人多不然則令產婦憂
怕氣血錯亂生理不和而起百疾
產婦腹痛時須低心忍耐不可急性燥
怒起動揮霍皆能令子失道遂致難產
產婦若只腹痛者未產若連腰痛甚者
即產候也

產婦腹痛雖甚且須令人扶持徐徐不
住行動若倦亦且扶立時時令行先脫
產婦常着衣服一件覆竈頭上待子逼

二十五

產六

四

生方得蹲坐切不可蹲坐太早太早則
子在腹中轉動不得遂致難產產婦臨
產須避太歲所在不得面對太歲蹲坐
恐致憂禍深戒深戒產婦蹲坐時須要
四體平正不得稍有偃曲及強嘔氣用
力亦能令子失道致難產也

產婦未蹲坐時先須用五積散肆錢加
順元散貳錢同煎分作兩服用湯煖却
不得令冷候蹲坐時令產婦先進一服

如稍覺產遲即再進一服若一服後便
產即不須再服此藥助氣催生他藥所
不及吾鄉所謂沈家五積散者是也方
出沈存中內翰宅昔有貧者三百一服
号爲神藥余家每用之取効但性稍熱
產婦素協熱者服之產後臟腑須微覺
燥澁甚者三兩日不通切不可用利性
藥但調和粥食如後說調養津液生則
自然流利也

說在產後諸
證用藥門

產後

纔分娩便須急與產婦童子小便一盞
溫服次進勝金湯一服不可飲酒過量
緣酒能引血入四肢作病兼新產後臟
腑虛熱酒入腹中必致昏亂又嘗有人
用醋墨此雖破血有功然亦傷肺服多
則因而成嗽余見蜀醫張宗說說有用
醋墨者下咽疾作此是氣血方虛酸勝
而生痰不可不戒才分娩便須燒磚石

或炭投醋中三日內嘗令聞猛醋煙氣以防血暈又不得令熟睡須頻頻喚醒緣氣血全虛恐生昏亂分挽後不得便睡且須扶坐移時方可軟物自腰以上漸漸撐起及高枕起頭項仍須令仰卧立起膝時復令人從心上用手按到臍下如此一日已來方可止恐惡血上行而致暈也兼須加意遮避賊風不可不謹

產後所進粥藥不得犯生水以至碗器之類並須用沸湯洗火灸乾方可用產後七日內唯須頻進童子小便及時進白粥如小便難喫則依法漬之自然易喫也七日後方可進少醇酒并些小燒鹽不可用生鹽二七日後漸進些小淡煮極糜爛瘠肉三七日後漸食滋味一月後漸進麵食一百日後方可食果實生冷等物產後五臟百脉率皆傷動一

百日後方始如舊常人不自愛惜才到滿月便稱平復或不謹飲食或觸冒風冷或喜怒高聲或勞動用力氣血未定情慾不常此皆致病之由也婦人稟受虛實皆緣生產而能移易若能一一如法將息補養則有平生虛怯多病而遂盛實無病者若不能如法將息補養則有平生盛實無病而遂致虛損瘦瘠成纏綿不可起之疾者當時不覺意謂不

然及歲月成疾又不能推究其由乃謂偶爾故婦人產後往往不能加意將攝噫臨產之際死生所繫及產難既過漸向平復而又不能將息以自保攝遂取困厄豈不至愚哉世之任意輕動不能調養者多故詳言之

產後諸證用藥例

產後惡露或多或少皆能令人暈悶心煩滿急

產後惡血攻心則能令人眼生黑花心
悶欲絕產後才覺惡心頭旋頭昏多涕
唾身如在舟車中此是血暈之候也便
以猛醋煙燻及服保生園勝金湯百草
霜散等治血藥則如熟乾地黃生薑芸
臺子當歸蒲黃涼沒藥桂心延胡索赤
芍藥牡丹皮牛膝川芎麒麟竭之類
產後惡血攻心則荒言亂語驚怕或啼
或笑宜服金黃散麒麟竭散等破惡血

養好血藥則如琥珀熟乾地黃當歸蒲
黃涼赤芍藥之類安心氣則如遠志茯
神朱砂麝香之類

產後惡血不絕為自來經血虛損或產
時惡血出不盡留滯腹中先有宿冷遂
成淋瀝不止宜服保生園等如牡礪當
歸熟乾地黃艾葉阿膠厚朴乾薑之類
性冷藥不可服之

產後因惡物不下或下不盡心腹疼痛

煩悶宜服千金散地黃散桃仁散川芎散勝金湯保生圓笠可又宜服桂心當歸牛膝牡丹皮虎杖蓬莪莪延胡索赤芍藥之類產後須常躰問產婦如所下惡物多即不須再三進逐惡血藥恐氣血益虛煩悶暈亂及生疾病如覺比尋常少或不行則須急攻之緣血隨氣上行掩於心故令煩悶而心滿急二者得失甚大切在詳審產後大腸祕澁此是產時走津液多腸胃未和乃常事也切不可亂服通利藥但只依尋常服調氣血藥及調粥食常令溫煖細軟依時漸進不得失飢亦勿傷飽氣血調和則腸胃自然平復矣

產後躰虛切不可妄進湯藥如別無證候但只與保生圓及調養氣血等藥產後三日起坐不得眼見黑花目或暈絕全不見物者是血氣未安運走五臟

奔疰於肝故也有不識者呼為暗風悞
矣宜服黑散子

產後乍寒乍熱及渴者是產後虛羸敗
血入心肺則熱入脾則寒不識者呼為
瘡疾悞矣宜服黑散子

產後四肢浮腫及寒熱者是產後敗血
流入五臟五臟將滿流入四肢停留日
久却還不得乃化為水有不識者呼為
水氣悞矣血與水氣狀候不同何以明

三

產六

一

後有四卷之三

之水氣喘而小便澁血氣渴而四肢沉
當細辯之宜服黑散子產後言語顛狂
乍見神鬼時復寒熱及渴者是產後敗
血衝心心不受觸既被蒸燠心臟熱極
遂生此疾不識者呼為風邪神祟悞矣
宜服黑散子

產後一臘非時不語者是敗血上衝陷
入心孔中既被蔽之便致不語宜服黑
散子

產後遍身疼痛者是百節開張血症結處停留不散結聚虛脹是以疼痛宜服黑散子骨間敗血即去

產後雖滿月血氣不通上氣咳嗽痰涎多者經脉未還便不忌謹多食熱麵壅結成疾聚即成塊散即上衝氣急咳嗽四肢虛熱心悶口乾睡夢多驚四肢無力盜汗心痛月候不調或成血癥環遶臍下或即面赤因變骨蒸但多服黑散子即瘥須急服之此疾難理故也

二十七

產方六

十

八

產後敗血停在脾胃食衝於胃胃衝於氣氣衝即不安便當吐啞膏脇俱脹有不識者呼為翻胃但服黑散子吐出惡物即瘥

產後中風者是未經七天下床兼百日內傷房事或灸瘡內中風也初中之狀眼澁腰強筋急如角弓反張牙關緊急若此之狀非中風也有此疾者安能救

療婦人傷犯之後其疾甚多不可不戒
產後面色黑及遍身生黑靨子由敗血
入皮膚欲出流走熱結便住却還不得
遂成黑靨中此者百無一瘥

難產逆產橫產

難產逆產橫產三者皆能立致不測之
禍然所得多端或先因漏胎血去臟燥
或子臟宿挾疹疾或觸犯禁忌或產時
驚動穢露下早子道乾澁產婦疲困或

坐卧未安身體斜曲不正轉動忽遽強
嘔氣暴衝擊或腹有兒枕產時先破遂
為敗血散果其子胎中伏熱故致難產
也產時未至驚動太早子轉未覺便用
力產之故致逆產橫產也產婦面赤舌
青者子死母活面青舌赤沫出者母死
子活唇口青兩邊沫出者子母俱死身
更重而熱舌下脉青黑及胎上冷者子
已先死並有方治之在後

胎衣不下

產婦初時用力產子而體已疲憊不能更用力產胎經停之間外冷棄之則血道乾澁胎衣不下也子臍帶與胞系相連若不下即須急治之不然則斷臍稽遲子傷冷氣而成病矣舊方胞衣不下恐損子者須依法截臍胎衣不下者腹痛滿則殺人若倉卒無藥即多食猪脂亦佳

妊娠食忌

食兔肉令子缺唇 食雀肉令子盲

食羊肝令子多患 食鴨子令子倒生

食鱉肉令子項短 食駱肉令子過月

食乾薑蒜令胎不安 已上並妊娠五箇月之後則當忌食

入月借地法

東借十步西借十步南借十步北借十步上借十步下借十步此中產婦安居無所妨礙無所畏忌諸神擁護百鬼速

去急急如律令

十二月
月產
卧藏
衣吉
凶方
位圖

癸	甲	庚	甲	丙	庚	壬	丙	庚	壬	丙	庚	壬	丙
未	丁	午	巳	丙	巳	午	巳	丙	巳	午	巳	丙	巳
坤	坤	坤	坤	坤	坤	坤	坤	坤	坤	坤	坤	坤	坤
庚	甲	丙	庚	壬	丙	庚	壬	丙	庚	壬	丙	庚	壬
未	丁	午	巳	丙	巳	午	巳	丙	巳	午	巳	丙	巳
坤	坤	坤	坤	坤	坤	坤	坤	坤	坤	坤	坤	坤	坤
庚	甲	丙	庚	壬	丙	庚	壬	丙	庚	壬	丙	庚	壬
未	丁	午	巳	丙	巳	午	巳	丙	巳	午	巳	丙	巳
坤	坤	坤	坤	坤	坤	坤	坤	坤	坤	坤	坤	坤	坤
庚	甲	丙	庚	壬	丙	庚	壬	丙	庚	壬	丙	庚	壬
未	丁	午	巳	丙	巳	午	巳	丙	巳	午	巳	丙	巳
坤	坤	坤	坤	坤	坤	坤	坤	坤	坤	坤	坤	坤	坤

三八

產六

四

余

正月 丙產 壬藏
 二月 庚產 甲產 坤藏
 三月 壬產 丙藏
 四月 庚產 甲藏
 五月 壬產 丙藏
 六月 甲產 庚藏
 七月 丙產 壬藏
 八月 甲產 庚藏 艮藏
 九月 丙產 壬藏
 十月 甲產 庚藏
 十一月 壬產 戊藏
 十二月 甲產 庚藏

產前諸方

川芎散 三箇月後疑
 非胎即服

川芎壹兩 生用

右為細末空心濃煎艾湯調下貳錢
 腹內微動者當有子也

枳殼湯

五箇月後服
滑胎易生

商州枳殼貳兩

去麩炒

石州甘草壹兩

右為細末每服貳錢百沸湯點空心

食前一日三服或四服唐胡陽公主

每產則經旬痛楚萬法不効服此藥

遂驗自服藥後忌登高厠

此方神妙滑胎易產也藥

所不及但其胎緊小微帶黑色百日後肉色方漸變白唯產婦素虛怯者更宜

斟酌緣枳殼性寒恐難多服也

蟹爪湯

姓娠僵仆失據胎動轉上搶心甚者血從口出逆不得息或注

十一小十四二

產方六

十一

下血胎不出則寒熨人腹中急如產狀虛乏少氣困頓欲死煩悶反覆服藥母即得

卧下血亦止其當產立生神効

蟹爪壹升約伍兩阿膠貳兩

剉碎

甘草

炙剉

桂心

不見

各貳尺

右以東流水壹升煮取參分去滓內

膠洋盡能一服佳不能一服者食頃

再服若因急不能飲者灌之藥下子

母俱活子死則母活若不經僵仆下

血服此湯即止

又方

動不安腹中痛不可忍者可服 娠偶有所觸或墜高傷打致胎

縮砂壹兩

和皮用淨熨斗於慢火上炒令熱透去皮只用仁

右為細末每服貳錢熱酒調下覺動

處熱即已安矣

又方

胎不穩坐卧不安可服

木賊草

去節

川芎

剉

各壹兩

右為細末每服壹錢水壹大盞入金銀

物同煎至陸分去滓空腹食前日三服

人參圓

婦人妊嘔吐不二三名為阻病或以尋常治嘔吐藥治之也

二四十五

產方六

十二

此宜服藥

乾薑

炮烈

半夏麴

炒

人參

去蘆切

各壹兩

右為細末薄糊圓如雞頭大每服壹

圓米飲下可加至參圓此方出仲景

金匱極妙

保生圓

入月後服產前產後一切諸疾悉治

金釵石斛壹分

別於

秦椒

去白炒

官桂

去皮不見

貝母

去心

乾地黄

洗乾

防風

去蘆

糯米

甘草

剉炒

大麻仁

去殼

大豆卷

黑豆牙是
不乾晒之

黃芩

剉 各貳分

石膏

明淨
硬者

麒麟竭

沒藥

去石

龍腦各壹錢半

右件藥並須用州土上等好者擣為細末以熟蜜陸兩入水壹分同煉令水盡和藥了却入臼內杵伍百下取

產六

十二

出平分柒拾貳圓每服壹圓產前產後血風頭旋身戰薄荷酒下月信不通當歸酒下赤白帶下温酒下臨產難產胎衣不下子死腹中橫產倒生死絕不語但看心頭熱氣在取壹圓京棗湯化開灌入喉中立甦產後惡血不盡臍腹疼痛嘔吐發熱增寒煩悶月候不調或多或少皮膚虛腫惡露不止虛勞中風口噤不語半身不遂

產前產後赤白痢大便祕澁血渴血
 暈狂語見鬼頭痛面色痿黃漸成勞
 瘦飲食無味並用溫酒研下催生當
 歸酒下產後中風血暈生地黃汁同
 煎十沸研藥灌口中禦風但五日壹
 服空心熱酒嚼下浴後溫酒嚼下中
 風不語身急如板用消梨穰薄荷同
 研藥灌口中候汗出了相次揭衣被
 當風坐卧立瘥其餘一切諸疾並用
 當歸薄荷酒研下清酒亦得小兒天
 弔驚風用藥壹圓分作叁服薄荷酒下

五積散 臨產時服 助氣催生

蒼朮貳拾兩

桔梗拾兩 去蘆

陳橘皮陸兩 去穰

白芷 去苗

甘草 炙 各叁兩 當歸貳兩 去蘆須 洗切焙

芎壹兩半 洗剉 芍藥 白者 剉

白茯苓 去皮 剉 半夏 湯洗 各壹兩

麻黃 春夏貳兩 秋冬叁兩 枳殼肆兩 麩炒去 穰別杵

肉桂

春冬肆兩夏參兩秋兩

厚朴貳兩

別枰

乾薑

春壹兩夏貳兩秋壹兩冬貳兩

右拾伍味為麤末分作陸分大鍋內

煖火炒令微赤香熟即止不可過焦

取出以淨紙板藉上攤令冷入枳殼

肉桂厚朴三物和之若產婦難產經

三兩日不生胎死腹中或產母氣乏

委頓產道乾澁用藥末貳錢加順元

散壹錢水柒分酒參分煎至柒分相

四六三十一

產六

十五

繼兩服氣血內和即產胎死者不過

參服當下其順元散亦須量產婦虛

實用之

又方

只用五積散貳錢入附子末壹錢水

壹盞同煎至柒分無順元散則用此

順元散

烏頭貳兩

炮烈切片

附子

炮去皮臍切片

天南星

炮各壹兩

木香半兩

懷乾

右為末入前五積散同煎服

催生神効聖功散

此藥極滑胎易生其藥煎出婦人多可愛

喫切須令強服
崔生累得効

榆白皮

取深紅色者去根刮去赤皮取粉

滑石各壹兩

沒藥半錢

研

當歸壹分

去蘆洗切

朱砂半錢

別研

右件為細末次入朱砂再研和勻每服貳大錢水柒分盞煎參兩沸及九箇月以來方可服如臨產覺陣痛亦

產六

十六

依前服自服此藥忌登高廁

催生安胎救命散

烏藥肆兩

別用醋炒黃色

前胡半兩

揀淨

菊花壹兩

去梗

蓬莪茂貳兩

炮乘熱斫碎

當歸半兩

去蘆頭洗切焙

右剉碎用好米醋炒乾為度同為末如死胎在腹用炒薑豆淋酒調藥參錢連進參服立下死血衝心炒薑豆淋酒下貳錢入童子小便半盞安胎

用熱酒下壹錢血山崩熱酒下壹錢
產後一切血疾皆可服尋常催生用
炒薑豆淋酒調參錢只壹兩服立生
藥須用新磁罐收勿令失氣味
神効催生丹

臘月兔腦髓壹枚

麝壹錢

別研

乳香末壹分

須黃明者乳鉢內研細
外以冷水浸鉢輕研
母丁香壹錢為末須辛辣如荔枝核
大者佳不可用陳者

右一處研細用兔腦髓為圓如○此

產方六

十七

大慢火焙乾磁合收封糊合口不要
出氣候產婦陣頻以温丁香湯吞下
壹圓產婦不痛其子順生男左女右
手把藥出急洗藥焙令乾凡壹粒可
用三次合時勿令鷄犬婦人孝子見
服時婦人閉目取藥產婦閉目吞之
神効

催生如聖圓

乳香

研好明淨者

右以生猪心血和圓如梧桐子大覺腹痛時濃煎茅香湯下參拾圓嚼破服端午日合切忌婦人鷄犬見橫倒生只壹服此方絕妙

產後諸方

勝金湯

才產了便服去惡血止血暈

地黄汁貳分生

生薑汁壹分生

右用童子小便壹分同煎拾餘沸温服地黄生薑須是淨潔沙盆內研取自然汁切不可犯生水

子小四

產六

十八

文

又方

治血暈至急

生地黄參兩

碎切

生薑參兩

去皮碎不

右貳物相和同炒乾碾為末每服貳錢研木香酒壹盞同煎三兩沸通口服壓下血立愈

又方

產後血暈欲死及餘血不盡被風吹即變成寒熱

生地黄肆兩

生薑肆兩

右並薄切新瓦乾之為細末温酒調

下貳錢此二方俱妙

漬小便方

此小便難喫用此法漬之

烏梅伍箇

洗淨

炙了甘草末貳錢

炮了乾薑末壹錢

右參味先於椀內用沸湯少許浸少

時候烏梅軟即以熱小便壹盞許就

椀內浸令產婦閉氣作壹服服之如

欲再服即別用烏梅等一依前法重

浸方可服不可更用浸了藥也若產

又小

產六

九

文

婦才分娩了即須以童子小便依尋

常與之未可用此法第二次方可用

此法

燒鹽法

初食鹽用此法燒之

好淨鹽不拘多少

右以蒻葉裹作粽子樣於炭火內燒候

鹽通紅如火即取出放淨地上一伏

時候火氣盡研用

百草霜散

產後血暈可服

百草霜壹錢秤即鍋底

生薑貳錢秤去皮切炒乾薑黃半錢

右為末以生地黄煮濃汁調下貳錢

又方

劉寄奴壹握劉甘草半兩炙劉

右以水壹碗半煎柒分去滓服才覺血暈契壹服甚者再服無事覺腹痛即先煎下恐緩急煎不成也

黑散子治療見產後諸證用藥門

三五小四

產六

二十

文

琥珀別研細

朱砂別研

京墨煨通赤放冷用

血苗灰即鯉魚鱗灰也

新羅白附子炮烈百草霜乃鍋底上黑煤也

黑衣即竈額上煤也倒掛者亦得又謂之烏龍尾爾黃灰亦得各半兩

麝別極細研白殭蠶劉炒去絲

川當歸洗去蘆須切焙各壹分

右為末每服貳錢炒薑温酒調下

烏金散產後血暈或惡露不盡死胎不下並可服

大豆 生薑各肆兩

蓬莪茂劉

當歸去蘆須洗切焙

黃連去須各壹兩 椶皮貳兩

右先下生薑大豆炒候薑乾即下當歸莪黃連炒看豆紫色透心即以椶皮點火入藥銚中椶皮盡成黑灰即傾地上以紙襯出火毒為末每服貳錢童子小便調下產後雖無事服之亦佳

金黃散產後惡血攻心發燥可服

蒲黃半兩隔紙炒 延胡索壹兩劉

五九小六九

產六

二十一

文

桂心壹分不見

右為細末每服壹錢用烏梅湯放冷調下

麒麟竭散產後惡血攻心漸次暈悶可速服

麒麟竭壹兩為末 生薑半兩切碎

右用酒壹盞同煎至捌分去滓帶熱通口分兩服立驗

千金散產後惡物不下或不盡腹痛可服

桂心去皮不 葳靈仙鐵脚者去根劉

白芷 去蘆 剉

當歸 去蘆 洗切 焙

牡丹皮 剉 各壹兩

右同杵為細末每服貳錢煎神麴湯調下

地黃散 產後惡物不盡 腹痛可服

熟乾地黃壹兩 略炒

生薑肆兩 細切如蠅頭大於銀器或銅器或新瓦上炒令黑焦煙起

為度 半兩 當歸壹兩 洗去蘆 須切 焙

右同杵為細末每服壹大錢用生薑

二四小六

產方六

三二

炒寔小便調下

牡礪散 產後惡露不絕 可服

牡礪半兩 燒 龜甲半兩 用 好醋 炙黃

右為細末每服溫酒調下貳錢食後服

桃仁散 產後心腹痛 可服

桃仁貳錢 去皮尖并雙 炒黃 秤

蓬莪茂壹錢半 秤用 慢火炮取 出乘熱 齧碎

桂心貳錢 不見 剉 當歸肆錢 去蘆 須剉 焙 秤用

右為細末熱酒調下壹錢如不喫酒

只用水壹中盞藥末貳錢煎柒分帶熱服

川芎散 產後心腹痛可服

川芎 洗剉

桂心 不見火剉

木香 剉懷乾

當歸 去蘆須洗剉焙

桃仁 去皮尖并雙仁炒黃 各壹兩

右為細末每服壹錢熱酒調下如不欲飲酒即用水壹盞藥末貳錢煎至柒分帶熱服不拘時候

金花散 產後血暈一切腹脇疼痛不以虛實可服

薑黃 片子剉者 熟乾地黃 焙 各貳兩

肉桂 去麤皮不見火 牛膝 去根酒浸一宿剉碎焙乾用

劉寄奴 剉 虎杖 洗剉

芎藭 洗剉 赤芍藥 剉碎

蒲黃 隔紙炒 乾葛 勿用色黑者 各壹兩

右為細末每服貳錢如疾勢輕者即以水或酒用壹盞煎至柒分和滓溫服重急者以豆淋酒同煎服

當歸散

產後痢
可服

官桂半兩

去皮秤用生薑貳兩取自然汁塗灸令薑汁盡為度

當歸壹分

去蘆須
洗切焙

右為細末每服貳錢米飲調下未止

再服

人參散

產後虛汗
發熱可服

人參

片子去蘆作
焙

當歸

淨洗去
蘆切焙

各半兩

右分作兩服每用猪石子壹隻切作

捌片以灰去血水用水貳盞煮之貳莖

粳米壹合生薑參片煎壹盞去石子

等温服早晚各壹服

四神散

產後血氣心
腹痛可服

當歸

去蘆須
洗焙乾用

芍藥

白者
剉

川芎各壹兩乾薑半兩

炮烈
剉

右為細末每服貳錢熱酒調下

香桂散

產後臍下疼
痛不止可服

當歸

去蘆須
洗焙

川芎

剉
各壹分

官桂半兩

去皮不
見火剉

右為末分作參服每服酒壹盞煎參五沸更入小便少許同煎至柒分溫服甚者再服必効如不欲入酒即以水代之

當歸散

婦人產後血氣血刺或血暈血崩惡露不止或虛或腫或見神鬼或如中風或瀉或痢或如瘡疾者其功不効如神兼治產後一十八病唯瀉或喘本方不治

肉桂

去麤皮不見火

當歸

去蘆須酒洗焙

芍藥

白者剉

乾薑

炮烈

乾地黄

湯洗剉焙乾

蒲黃

蒲紙上炒

甘草

黑豆

炒熟去皮

右為細末溫酒調下貳錢日進參服不拘時候甚者參服愈常服日兩服或壹服

柿湯

產後嘔逆氣亂心煩可服

乾柿壹箇切碎水壹大盞煮熟熱呷甚妙溫即再煖令熱呷喫

荆芥散

治產後一切難治之疾

荆芥不以多少

右為細末每服壹錢或貳錢溫酒調下立効有急疾及風候宜速為之此方絕妙家中常用之產婦雖無病每日進壹服只用童子小便調下有急疾用小便酒各半調之尤佳

陳梅散

產後痢可服

多年白梅不以多少

右燒成灰存性研為細末陳米飲調下壹大錢甚妙

十一

產卷六

廿六

胡

難產諸方

治產難子死腹中又姪兩兒壹生腹中壹死腹中死者出生者安此方神驗萬不失一

蟹爪壹升約伍兩

甘草肆兩

炙對

阿膠叁兩

用蛤粉炒

右以東流水壹斛先煮貳味至叁升即內膠膠洋頓服之不能一頓服者食頃再服若至困灌之即活作東向

竈藁薪煮之此方與前蟹爪湯相犯唯不用桂心

治難產

榆白皮壹升切 瞿麥揀淨

木通剉 各叁分 牛膝去苗根酒浸壹宿剉焙乾用

大麻仁去殼 各壹兩

右為麤散每服肆錢水壹中盞煎至陸分去滓溫服頻服佳

又方

當歸貳兩去薑須洗切焙 芎壹兩剉

三三

產養六

廿七

胡

右為麤散每服肆錢水酒各半中盞煎至陸分去滓溫服頻服佳若慮胎在腹已死者服此藥胎死即下胎活即安神效

又方

赤小豆壹合炒略 黃明膠壹兩剉

右以水壹盞煮豆令熟去滓內膠令消溫溫頓服

又方

取馬嚼壹枚覺痛即令產婦左手把之甚効

又方

取東引槐枝手執之

又方

取桃仁分破書壹片作可字壹片作出字依前還合令母吞之即產此天真法也神効

又方

三十一

產卷六

二十八

子母
早生

子母
早晚

右收五方氣飲氣書二道用茅香湯吞之

又方

取草麻子肆粒去殼水研取汁少許塗產婦脚心中才產便洗却并貼臍中亦良

又方

取皂角末少許吹母鼻中令嚏其

子便下

又方

取大豆一顆擘破書其夫姓名於上以酒吞之

又方

雄虵蛻一條大者以頭按產婦臍中自腰後左繞轉却以尾按臍中才匝便下此法極驗虵蛻在高處者為雄在地者為雌須頭尾全者

產卷六

廿九

逆產諸方

治逆產

半夏

湯洗七遍去滑焙乾

白欵各壹兩

右為細末每服貳錢生薑酒調下難產壹服橫產貳服倒產參服兒死肆服若胎衣不下母氣欲絕亦宜服之每壹服如人行壹里再進加瞿麥貳兩尤妙小產只壹服愈

又方

急以鹽和輕粉塗于脚底又急以
小針刺于脚底即轉覺痛驚製入
即順出

又方

以鹽摩母腹即順出

又方

當歸不以多少微炒

去蘆鬚
洗剉焙

右為細末溫酒調下貳錢

又方

三三

產六

三十

艾葉壹兩炒

右以酒壹大盞煎至陸分去滓分作兩
次溫服立効水煮亦得

又方

車前子不以多少

右為細末溫酒調下貳錢

又方

兔絲子不以多少

右為細末溫酒調下壹錢

又方

以手中指取釜下墨交畫子足即
順生

橫產諸方

葵子貳合

黃明膠剉

滑石末各壹兩

右為細末以水壹大盞半煎至壹盞
去滓分作叁服溫服

又方

逆產橫產難產胎瘦妊娠產前
後虛損月候不調崩中皆可服

產六

廿一

百草霜

香白芷各壹兩

右件為細末每服貳錢童子小便壹
茶脚許調勻以沸湯肆伍分化開服
止壹服甚者再服愈

又方

黃產逆產胎死腹中及胎
不出母欲絕皆可服

半夏

熱湯寢洗七
遍去滑焙乾

白斂

剉碎

瞿麥頭子各半兩

右為細末每服貳錢炒生薑酒調下

又方

瞿麥壹兩

右以水壹大盞煎至陸分去滓分作兩服溫服

又方

牛尿不以多少

右塗母腹上即順出

又方

蛇脫皮不以多少

右用炭火燒作灰研令極細溫酒下

七十四

產卷六

卅二

胡

貳錢若子死腹中服之立下

胎衣不下諸方

產婦臨產先脫常着衣裳一件覆竈頭即無胎衣不下之厄此法極驗不可不信也

治胎衣不下

大牛膝壹兩去苗葵子壹合

右搗碎以水壹大盞煎至半盞去滓兩服溫服

又方

繫罽帛燒灰酒半升調下

又方

飲洗兒水壹口立下

又方

草麻子叁粒 鼠粘子壹分即牛蒡子

右為細末若子死腹中無藥可下即以醋糊調藥塗在口上以紙貼之立下

又方

通

當歸壹兩洗去薑薑須切焙乾

瞿麥揀淨 芎藭洗 各叁分

右為麤散以水及米醋各壹中盞煎至壹盞分作叁服温服

又方

當歸洗去薑薑須切焙乾 鼈甲酥塗炙 各叁分

右為細末先取產多婦人髮半兩燒為灰細研入當歸末以水壹大盞半煎取捌分然後下盡鼈甲末煎伍茶

沸分爲叁服若數日不產子死腹中者皆可服服後如人行四五里再服又方

水銀壹彈子大

右斡開產婦口灌之扶起令坐不食頃扶起令倚立其子即下唯臨產面青舌赤沫出欲死子猶不出并產婦已死而欲令子出者可服

治產前產後痢疾

九九一十

產方六

世四

少

癩蛇蝮端午日收窸乾

右產前痢用前兩脚產後痢用後兩脚燒灰存性爲末米飲調下食前服此藥家中累曾經驗神効

許學士產科方 名叔微字知可

滑胎枳殼散

商州枳殼貳兩去穢剉作小塊麩炒甘草壹兩剉

右爲末每服貳錢百沸湯點服空心食前日叁服凡懷孕六七月以上即

服令兒易生初生胎小微黑百日以後肉漸變白此雖孫真人滑胎易產方然抑陽降氣為衆方之冠

內補圓治姪娠衝任脉虛補血安胎

熟乾地黄貳兩剉當歸壹兩去蘆須洗焙乾

右細末煉蜜和圓如桐子大每服參肆拾圓温酒下無時

上三方諸集皆載之在人用之如何爾大率婦人姪娠唯在抑陽助陰素問云

二八五二

產方六

卅五

外

陰搏陽別為之有子蓋關前為陽關後為陰尺中之脉按之搏手而不絕者姪子也婦人平居陽氣微盛無害及其姪子則方閉經隧以養胎若陽盛搏之則經脉妄行胎乃不固素問所謂陰虛陽搏謂之崩也抑陽助陰之方甚多然胎前藥唯惡群隊若陰陽交雜別生它病唯是枳殼散所以抑陽四物湯所以助陰故爾枳殼散差寒若單服之恐有胎

寒腹痛之疾以內補圓佐之則陽不至強陰不至弱陰陽調勻有益胎嗣此前人未嘗論及也

木香圓治婦人有孕傷食

木香貳錢剉

京三稜

慢火煨乘熱剉作片子

人參去蘆切

白茯苓各叁錢

右細末麵糊圓菘豆大每服叁拾圓熟水下

白朮散治姙娠氣不和調飲食

聖十

產卷六

三六

胡

白朮切作片子焙乾

乾紫蘇各壹兩

白芷微炒

人參去蘆各叁分

川芎洗剉

訶子皮

青皮去白各半兩

甘草壹分炙剉

右細末每服貳錢水壹盞薑叁片煎柒分不拘時溫服之

經云飲食自倍腸胃乃傷又去陰之所生本在五味陰之五宮傷在五味若任

子飲食不節生冷毒物恣性食噉致脾胃之疾故妊娠傷食難得藥唯此二方最穩

紫蘇飲治妊娠胎氣不和懷胎近上脹滿疼痛謂之子懸兼治臨產驚恐氣結連日不下

紫蘇莖葉壹兩

大腹皮剪碎

人參去蘆切片

川芎劉開

陳橘皮去白

起

產卷六

三七

胡

白芍藥各半兩

當歸參分云蘆須切

甘草壹分炙

右細剉分作叁服每服用水壹盞半生薑肆片葱白柒寸煎至柒分去滓空心服之

曾有婦人累日產不下服遍催生藥不驗予曰此必坐草太早心懷下一懼氣結而然非順不順也素問去恐則氣下蓋恐則精却却則上焦閉閉則氣還還

則下焦脹氣乃不行矣得此藥壹服
產及婦人六七月子懸者不用此數數
有驗不拾服胎便近下也

下死胎方

桂末貳錢麝香當門子壹箇同研
煖酒服須臾如手推下比之用水
銀等此藥不損血氣

琥珀散治婦人月經壅滯每發心腹
臍疴痛不可忍及治產後惡露不快血

二十六

產六

卅八

上愴心迷悶不省氣絕欲死

荆三稜

蓬莪朮

赤芍藥

劉寄奴

牡丹皮

官桂

削去皮不見火
令碾為末後入

熟乾地黄

剉焙

菊花

揀去
枝梗

真蒲黃

當歸

去蘆頭
焙乾秤

各壹兩

右前伍味用烏豆壹升生薑半斤切片
米醋肆升同煮豆爛為度焙乾入後
伍味同為末每服貳錢温酒調下空

心食前服一方不用菊花蒲黃用烏藥玄胡索亦佳予家之秘方也若是尋常血氣痛只壹服產後血衝心貳服便下常服尤佳予前後救人急切不少此藥易合宜多合以救人

佛手散治婦人姙孕五七月因事築磕著胎或子死腹中惡露下疼痛不已口噤欲絕用此藥探之若不損則痛止子母俱安若胎損立便逐下此藥催生

神妙

當歸陸兩

洗去蘆切片焙

川芎肆兩

剉略

右麤末每服叁錢水壹小盞煎候相次欲乾投酒壹大盞止壹沸去滓溫服口噤灌之如人行五七里再進不過叁兩服便生有一方云此藥治傷胎去血多崩中去血多金瘡去血多拔齒去血多昏運欲倒者去水煎服

愈風散治產後中風口噤牙關緊急手

足瘳癢

荆芥穗輕焙過壹兩

右爲細末每服貳錢溫酒調下

經驗產寶皆有之陳選方中用舉卿古拜貳味蓋切脚隱語以秘之也此藥委有竒効神聖之功大抵產室但無風爲佳不可衣被帳褥太暖太暖即汗出汗出則腠理開易於中風便昏冒記有一婦人產後遮護太密閣內更生火睡久

卷之六

產六

四十一

下

及醒則昏昏如醉不省人事其家驚惶醫用此藥伏以交加散祝去服之必睡睡中必以左手搔頭覺必怪果如其言

交加散治婦人榮衛不通經脉不調腹中撮痛氣多血少結聚爲癥產後中風

生地黄伍兩

研取汁

生薑伍兩

研取汁

右交互用汁浸滓壹夕各炒黃漬汁盡爲度末之尋常腹痛酒調下參錢產後尤不可關

蒲黃散治產後出血太多虛煩發渴
真蒲黃末每用貳錢以米調飲下
渴躁甚者新汲水調下

護胎方治姙娠時氣身大熱令子不落
伏龍肝為末水調塗臍下貳寸乾
則易瘥即止又取井中泥塗心下
乾則易

又方

浮萍 乾者

川朴消

九一

產六

甲一

蛤粉

大黃 剉碎
微炒

藍根各壹兩 剉碎

右為末水調封臍上安胎解煩熱

麻仁蘇子粥治婦人產後有三種疾
鬱冒則多汗汗則大便秘故難於用藥
唯此粥最佳且穩

鹿屑湯治姙娠熱病胎死腹中

鹿角屑壹兩水壹椀葱白五莖豆
豉半合同煎至六分去滓溫分貳

服極妙

治婦人生產數日而下及胞衣死胎不下者方

用草麻柒粒去殼研如泥塗足心
纔下便急洗去此崔元亮海上方
人但未知爾政和中壹鄉人內子
產二日不下予令謾試之一塗俄
頃便下自後常用極驗

衛生家寶產科備要卷第六



